





是則謂港爲華官之屬埠無以異是按之於例無問各船駛往何處則于此納稅若粵海關未知其審則可命人往各船所泊之處查核而毋以巡船環諸港外也天下港口盡由其如是扶制通商豈可得哉紳士中有名閩者起而言曰是須詢明方可呈之朝廷有云商人亦僅納稅一次耳釐廠但查驗蓋印以便知貨之多少到埠乃行輸稅幸母造次瀆呈來厘云是事甚確嘗有一人因私携烟土一顆而罰及一船充公者此事非聯名稟於英國不能爲力也

臺灣番社風俗考十六 番民之處於淡水境中者又有二十七社曰南嵌四社曰淡水十四社曰大雞籠五社曰山朝四社雞籠淡水番在泉州澎湖嶼東北名北港又名東番其通于中國最先永樂中鄭和入海諭諸番獨不聽約束和貽之家一銅鈴使懸之頸蓋比之於狗也自南嵌越小嶺在海岸間行巨浪捲雪拍轅下衣袂爲濕至八里岔社有江水爲阻即淡水也水廣五六里港口中流有雞心礁海船畏之乘蟬甲由淡水港入前望兩山夾峙曰關渡門水道甚隘入門水忽廣憑爲大湖渺無涯流行十許里高山四繞周廣百餘里中爲平原惟一溪流水麻少翁等三社緣溪而居百年前地動不休番人恐怖相率徙去俄而陷爲巨浸今三社舊址猶可識麻少翁內北投在磺山左右毒氣蒸騰觸鼻昏悶諸番常以糖水洗眼隔關渡門巨浴依山阻海划蟬甲以入恃其地險數以睚眦殺漢人官軍至則竄淡水以北諸番此最難治武營灣大浪泉等處地廣土沃可容萬夫之耕八里岔社舊在淡水港西南其地曰長溪荷蘭時後隴最悍穢之幾無遺種乃移社於港東北淡水各社士官有正副頭目哆囉滿產金淘沙出之與瓜子金相似番人鑄成爲條藏之壘中客至陳之凡以白炫初不知所用後漢人教之易布斗尾龍岸番皆倖岸多力文身文面狀同魔鬼出則焚掠殺人士番聞其出皆號哭走避鄭經統兵往勦深入不見一人時亭午酷暑軍士皆渴競取甘蔗啖之劉國軒守半線率數百人至見經大呼曰何爲至此令三軍速刈草爲營亂動者斬言未畢四面火發文面五六百人奮勇挑戰互有殺傷餘皆竄匿深山竟不能滅僅燬其巢而歸阿蘭番近斗尾龍岸狀貌亦相似雞距性善緣竹樹上往來跳躍同猿捷息皆在樹間非種植不下平地其巢與雞籠山近常深夜獨出至海濱取水遇土番往往竊其首去土番亦追殺不遺餘力蓋其足趾植了不利平地多爲土番追及既登樹則穿林度棘不可復制矣雞籠番土著種類繁多秉質驍勇概居山谷按其山川則形勝奇秀論其土地則千里饒沃沃濶深遠足以設立州縣惟少人工居址荒蕪未闢皆爲鳥獸蛇龍之窟今則漸加開墾矣僑鄭時上淡水通事李滄願取金自效







